

## Landschatz- und Ausgaberegister Lippe - Ende 15. Jh.

NUM = NUMMER	10032D
TIT = TITEL	Ausgaberegister Lippe 1488/89; 1494/95; 1497/98 und Nachtrag
INH = INHALT	Landschatz- und Ausgaberegister Ende des 15. Jhs. (hier nur Landschatzregister); 1488; 1494; 1497.
UMF = UMFANG	Landschatzregister von 1488: 2 Seiten Einnahmeregister, 4 Seiten Ausgaberegister (hier wiedergegeben); Landschatzregister 1494: 8 Seiten; Landschatzregister 1497: 10,8 x 29,5 cm (Schmalfolio), 37 Seiten Einnahmeregister, 7 Seiten Ausgaberegister (hier wiedergegeben).
FMT = FORMAT	10,8 x 29,5 cm (Schmalfolio)
MAT = MATERIAL	Papier
STO = STANDORT	NW Staatsarchiv Detmold L 92 Z IIa Nr. 4
PRV = PROVENIENZ	Register 1488: vom Kirchherrn Johann Düvel geführt (ab 1469 Pfarrer Kirchspiel St. Johann, bis 1494 St. Nicolai, Lemgo); register von 1494: vermutlich ebenfalls Johan Düvel verantwortlich für Registerführung; Register von 1497: Geistlicher, vermutlich ebenfalls Johan Düvel verantwortlich für Registerführung.
EDI = EDITION	Stöwer 2001
BEM = BEMERKUNGEN	Die Gliederung der Register ist in der vorliegenden Edition umgestellt worden. Textwiedergabe nach Schulzeschen Richtlinien, möglichst genaue Folgung der Vorlage bei Schreibweise von Namen, Angleich der u- und v-Graphien an den modernen Schreibgebrauch. Übergeschriebenes kleines e als Umlaut wurde dem Vokal als e angefügt. Konsonantisch und vokalisches gebrauchten Buchstaben i und j, u und v der Vorlage sind bei den Namen nicht verändert worden, Großschreibung bei Namen und an Satzanfängen, nach heutigen Regeln weitgehend normalisierte Zusammen- und Getrenntschreibung und Zeichensetzung, Abweichungen der Namen von der Vorlage durch Sternchen gekennzeichnet, Geldbeträge grundsätzlich in Spalten und arabisch wiedergegeben (Vorlage schreibt Zahlen grundsätzlich römisch). Abkürzungen: d = dedit; dd = zwei

	<p>dedit-Vermerke, jeweils vor und nach der Eintragung; d. = Pfennig, denarius, -i; fl. = Florin (Florentiner Goldgulden); g. = Gulden; l. = Liter; m. = Mark; marca, -ae; ort = 1/4 Gulden; s. = Schilling, solidus, -i. Zeichenerklärung: * = 2.</p> <p>Namensbestandteil beginnt mit einem Großbuchstaben oder v;  ** = in der Vorlage nach den Namensbestandteilen getrennt geschrieben; &lt;&gt; = Nachträge im Original; [!] = Lesung eindeutig, so in der Vorlage; [?] = unsichere Lesung; [...] = Lücke oder unleserliche Stelle in der Vorlage; Kursivdruck = Zusätze des Bearbeiters.</p>
VOR = VORLAGE	Edition Stöwer 2001, S. 153-164
BER = BEARBEITER	Transkription nach Edition: Maren Braun; Korrektur nach Edition: Robert Peters
STD = STAND	16.09.2014

## Ausgaben vom Landschatz 1488/1489

Anno Domini MCCCC LXXXVIII°

*1488 Dezember 3*

Am mitwekin na Andree apostoli halde ik, mestir Bertolt Cluteman, van bevelswegin des edelen unde walgeborenn myns gnedigen leven junchernn Berndes, edelherenn tor Lippe, des schattgeldes van dem kerkherenn herenn Johann Duuell hundert golden *rinische* gulden unde achtintig golt *rinische* gulden an golde, mynen gnedigen junchernn to Dethmolde gehantreket.

*1488 Dezember 9*

Item am dinxtage na Conceptionis Marie virginis anno supra halde mestir Bertolt Cluteman van deme kerkherenn upgenomt verteyn goltgulden, de Tonies van Certzen kregt van bevelswegen myns gnedigen leven juncherenn etcetera.

*1488 Dezember 11*

Item am donderstage na Conceptionis Marie virginis anno supra haldin mestir Bertolt unde Johans Dene van dem kerkherenn twyntig golden *rinische* gulden.

*1489 Januar 3*

Item am sonnavende na Circumscisionis Domini entfangen derdehalff hundirt gulden in golde unde 14 in gelde Gotschalculus Culrauen.

*1489 Januar 28*

Item am mitweken na Conversionis Pauli anno MCCCC LXXXIX halde ik, mestir Bertolt Clutman, hundert golden *rinische* gulden van bevelswegen, de Kersinbrok kreg.

*1489 April 16*

Item am donderstage erst in der vastin anno *MCCCC LXXXIX* halde ik, mestir Bertolt Cluteman, des schattis van dem kerkerenn etc. hundert goltgulden unde achteundetwintig goltgulden unde veer *Dauiter*gulden, an kleynen gelde seisstig mark.<sup>1</sup>

*1488 Dezember 14*

Item anno etc. *MCCCC LXXXVIII*° am sondage neist Lucie betalde ick, her Johan Duuel, van hetens wegen Nolten Elies vogedes dit nabescreven:

Item Jacob Pingelpote borde 4 m.

Item deme tegelmestir gegheven 13 m. 1 s.

Item Hanse Mychel gegheven 23 m. myn 18 d.

Item *Diderik* Vordeman betalt 3 ½ m. 3 s. 5 swar.

Item Notelken Baden 40 m. na inholt myns gnedigen junchern scrifte.

*1489 März 21*

Item Nolten Elies deme vogede 12 goltgulden am sonavende vor *Oculi*.

*1489 März 28*

Item deme sulften vogede am sonavende neist vor *Letare* 4 goltgulden.

*1489 April 2*

Item anno etc. *MCCCC LXXXIX*° am donredage na *Letare* geantwort deme vagede Nolten Elies 24 goltgulden unde 31 m. in gelde.

*1489 April 11*

Item anno ut supra an *Palmenavende* geantwort deme vogede Nolten Elies van myns gnedigen juncheren weggen 16 gulden.

*1489 April 27*

Anno ut supra am mandage neist *Quasimodogeniti* gehantreket deme vogede Nolten Elies van myns gnedigen junchern wegen vam schatte 10 goltgulden.

---

<sup>1</sup> Es folgt eine Leerseite.

*1489 Mai 28*

Anno supra an<sup>2</sup> unses heren Hymmelfardtage geantwort Nolten Elies deme vogede van myns gnedigen junchern weggen 9 *rinische* gulden an gelde.

*1489 Juni 11*

Anno etc. am donredage in den Pinxtfirdagen deme vogede Nolten Elies gehantreket 9 goltgulden.

*1489 Juni 28*

Anno ut supra in vigilia Petri et Pauli deme vogede Nolten Elies hantreket 22 gulden.

*1489 Juli 31*

Anno ut supra am fridage sunte Peters avende gehantreket Nolten Elies deme vogede 9 gulden an golde.

S. 29 (96) Summa des vogedes 100 g. unde 27 g. 31 m.

### **Ausgaben vom Landschatz 1494/1495**

Item uthghifft van deme schate

*1494 Oktober 11*

Item am sunnavende na Dyonisii ghesanth mynem gnedigen junchern by Claesse 2 goltgulden upt porthus.

*1494 Oktober 12*

Item am sundage na Dionisii ghedan Claesse upper capellen 3 goltgulden unde 2 postulatengulden, brachte he mynem gnedigen junchern uppe de kameren.

---

<sup>2</sup> Verschriebener Buchstabe wie ein s.

*1494 Oktober 16*

Item am donnerstage Galli confessoris ghesanth mynem gnedigen junchern by Claese 3 goltgulden.

*1494 Oktober 17*

Item am frigtage na Galli ghesanth mynem gnedigen junchern by Claese 2 goltgulden.

*1494 Oktober 22*

Item am mitwecken na undecim millium virginum ghedan Claise 2 goltgulden in mynem huse.

*1494 Oktober 24*

Item am frigtage nach XI milium virginum ghedan Claese an golde unde ghelde 20 gulden in bywesende Johann Resen.

*1494 Oktober 27*

Item am avende Simonis et Jude ghedan Claese in der kercken vor deme fromissealtar 4 gulden.  
Item noch dosulffs ghesanth mynem gnedigen junchern by Claese 2 postulatengulden.

*1494 Oktober 30*

Item am donnerstage na Simonis et Jude ghedan Bernhardus Taste unde Herman Schroder hundert gulden unde 13 ½ gulden.

*1494 Oktober 31*

Item ghedan am avende Omnium sanctorum mynem gnedigen junchern uppem kerchove 20 s. unde 26 s. den kockenjungun unde Hencken Doren vor scho Johann Lodderhusen, facit 1 gulden.

*1494 November 2*

Item am sundage na Omnium sanctorum ghedan Dyderik van der Borch<sup>3</sup> 30 gulden.

---

<sup>3</sup> Unter dem Namen Dyderik vann der Borch gestrichelte Linie.

*1494 November 3*

Item am mandage na Omnium sanctorum ghedan mynem gnedigen junchern uppe siner dorntzen twe hondert gulden.

Item ghedan Claese van Monnickhusen dem vogte hondert gulden.

*S. 1 (98) Summa latiris 450<sup>4</sup> gulden, 32½ gulden.*

*1494 November 2*

Item am sundage na Omnium sanctorum ghedan mynem gnedigen junchern hondert gulden. Krech myn gnedige fruwe in biwesende mester Bertoldus.

*1494 November 10*

Item am avende Martini ghedan deme thegheldeker 14½ m. 2 s. 4 d.

Item dosulffs sinem knechte<sup>5</sup> 7 m. 4½ s. 3 d.

*1494 November 3*

Item ghedan mester Bertolde am mandage na Omnium sanctorum 39 goltgulden 14 s. 2½ d.

*1494 November 13*

Item am donnerstage na Martini ghedan Herman Schroder 8 goltgulden up mynes gnedigen junchern dorntzen, dar he to Cassel schalde want mede kopen.

*1494 November 15*

Item am sunnavende na Martini ghedan Johan Schadelande 8 m. 4 s., de he to Lemego bringen scholde vor 2 dusent backensteyns tom oven.

*1494 November 16*

Item am sundage na Martini ghedan Claesse vor 1 gulden gelt, solde juncher Bernt hebben.

---

<sup>4</sup> Darunter „350“ durchgestrichen.

<sup>5</sup> Abkürzung. Es könnte auch gemeint sein: sinen knechten.

*1494 November 22*

Item am sunnavende Cecilien dage ghedan mester Johan Goltsmede 18 m., het my Claess van mynes gnedigen junchern wegen.

*1494 November 24*

Item am avende Katherine virginis ghesanth mynem gnedigen junchern by Claesse 2 goltgulden uppt porthuss.

*1494 November 26*

Item am mitwecken na Katherine virginis ghedan mynem gnedigen junchern upper lutteken dorntzen uppen porthuse dre hondert gulden 14 goltgulden 4 postulaten ludeker gulden unde 1 Ropertusgulden unde 18 Davitergulden, legede ik in eynen sulveren becher myt eyner tzeddelen.

*1494 November 28*

Item am frigtage na Katherine virginis ghedan mester Jaspas, deme arsten van Paderborn, vor 2 gulden gelt, heth my myn gnediger juncher uppem porthuse.

*1494 Dezember 2*

Item am dinxtage na Andree apostoli ghedan Claesse 40 gulden in mynem huse in biwesende Albertes van Exterde, solde he mynem gnedigen junchern bringen.

S. 2 (99) Summa latiris 500 gulden 8 gulden 100 m. 14 ½ m. 3 s. 3 d.<sup>6</sup> unde 18 Davitergulden, maken 63 m.

*1494 Dezember 3*

Item am mitwecken<sup>7</sup> na Andree ghedan Herman Schroder 12 m., heth my myn gnediger juncher.

---

<sup>6</sup> 3 s. 3 oder 4 d. geändert aus: 16 m. 15½ d.

<sup>7</sup> Davor „mandages“ durchgestrichen.



Item dosulffs ghedan Clawese in mynem huse 5 gulden, wolde he mynem gnedigen junchern bringen. Item noch dosulffs ghedan mynem gnedigen junchern uppe syner dorntzen hundert gulden 35 gulden 2 Davitergulden.

Item 1 Ropertusgulden unde 5 ludeker gulden *postulaten*.

*1494 Dezember 5*

Item am frigtage na Andree ghesanth mynem gnedigen junchern by Bernde, mynes gnedigen heren van Paderborn sonne, 2 gulden, de de spellude hebben solden van Schomborch unde van Mynden. Item dosulffs ghedan mester Johann unde mester Mychel 9 goltgulden wortgeldes unde 20½ s.

Item noch densulven 25 m. 1 s.

*1494 Dezember 10*

Item am mitwecken na Concepcionis Marie ghedan mynem gnedigen junchern hundert gulden 20 goltgulden upper dorntzen uppen portnhe[?] in biwesen des pastors van Heyden unde des vogts.

*1494 Dezember 11*

Item am donnerstage na Concepcionis Marie ghedan mester Bertolde 2 goltgulden, dar he mede na der Lippe solde ryden.

*1494 Dezember 17*

Item am mitwecken in der Quateremper ghedan mynem gnedigen junchern uppe syner dorntzen 80 goltgulden.

*1494 Dezember 19*

Item am frigtage in der Quateremper *gegeven* vor vische im rathuse ½ m., eynboth my myn gnediger juncher by Hinrik van Exterde.

Item dosulffs *gegeven* den mennem, de dat Hemmelsche ber brochten uppe de borch, 3 s. vor tzyse unde 6 d. vor spuntgelt, heth my myn gnediger juncher sulven don.

S. 3 (100) Summa latiris 350 gulden 5½ gulden 48½ m. 1 s.

Item noch dosulffs ghedan Herman Schroder 6½<sup>8</sup> m. unde 13<sup>9</sup> d., dat he scholde geven den schroderknechten, so my myn gnediger juncher by Claese eynboth.

*1494 Dezember 24*

Item am avende medewinter gegeven Mychel, murmester, unde synen ghesellen vor lon 5 m., heth my myn gnediger juncher.

Item noch dosulffs ghedan mynem gnedigen junchern uppem porthuse 80 gulden unde 6 Davitergulden unde 3 postulatengulden.

*1494 Dezember 26*

Item am dage Stephani ghesanth mynem gnedigen junchern by Hinrik van Exterde vor gulden gelt, entfeng he uppem niggenhuse.

*1494 Dezember 30*

Item am dinxtage na Innocentum ghedan Claese vor 1 gulden gelt, eynboth my<sup>10</sup> myn gnediger juncher by deme Schotteler unde quam vor wass tho Lemego.

Item noch dosulffs gedan Claese 1 gulden, dar Trumpeke by wass, unde scholden hebben de spellude van Brandenbergh.

*1495 Januar 1*

Item am dage Niggenjars ghedan mynem gnedigen junchern uppe siner dorntzen in bywesende mester Bertoldes 49 gulden.

*1495 Januar 11*

Item am sundage na der Hilligen dre konnigen dagen ghedan Jost Ekman vor 40 gulden gelt, heth my myn gnediger juncher.

---

<sup>8</sup> Geändert aus: 10.

<sup>9</sup> Vielleicht 16.

<sup>10</sup> Von „myn“ korrigiert.

Item ghedan Protteken 3 m., dor de mede gink na Stalberge unde wolde dar hernsch halen.

Item gedan deme Selper 13 s., dat he myt breven gink to mynem gnedigen hern van Osenbrugge uppe dat wedderboth des greven van Benthem.

*S. 4 (101) Summa 150 gulden 23½ gulden 36½<sup>11</sup> m. 2 s. 4. d.*

Item mester Bertolde dede ik 2<sup>12</sup> m., dor he lest na der Lippe reth in saken des Blancken vor den valschen postulatengulden, den myn gnediger juncher emme dan hadde to Lemego, den mester Bertolt synen gnaden wedder dede upper dorntzen uppem porthuse.

Item noch mester Bertolde ghedan dosulffs 21 s., de he vor mynem gnedigen junchern uthghedan hadde tor Lippe, do de droste Johann Quadis unde he tegen de rede myn heren van Berge unde Cleue tor Lippe ghesend weren unde de Clæueschen do wedderboden.

Item 10 s. tho Horne mester Bertolt vortert 2 nacht, do he na mynem gnedigen junchern myt den Cleueschen reeden wass ghereden unde wedderumb ghekomen van deme Dringenberge.

*1495 Januar 25*

Item am sundage Conversionis Pauli ghesanth mynem gnedigen junchern tom Dringenberge by Pustelen 10 goltgulden, so my sine gnade schreven hadden.

Item gegeven Ladewich Peltzer van deme vossenrocke to fodernde 3½ m. 4 s. Item das wass 3<sup>13</sup> m. vor 18 felle to gervende unde 10 s. vor den rock to fodernde.

*1495 Februar 2*

Item gegeven uppe Lechtmissen vor wass uppe den engell in der kercken uppem kore 5 s., heth my myn gnediger juncher.

*1495 Februar 14*

Item am sunnavende na Appolonie virginis ghesanth mynem gnedigen junchern by Claesse 2 gulden.

---

<sup>11</sup> Von der Ziffer ist 6½ darüber geschrieben.

<sup>12</sup> Geändert aus 3.

<sup>13</sup> Davor 4 gestrichen.

*1495 Februar 16*

Item am mandage na Valentini ghesanth mynem gnedigen junchern 1 gulden by *Hinrik* van Exterde.

*1495 Februar 18*

Item am mitwecken na Valentini ghedan mynem gnedigen junchern uppem porthuse 60 gulden unde hundert 15 postulatengulden unde 3 Davitergulden.

*1495 März 8*

<Item an sundage<sup>14</sup> Invocavit ghedan mynem gnedigen junchern vor uppem porthuse 22 gulden, dar wass mede 1 Davitergulden.>

S. 5 (102) Summa 150<sup>15</sup> gulden 1½ gulden 22½ m. 4 s.<sup>16</sup>

*1495 März 9*

<Item am mandage na Invocavit ghedan noch mynem gnedigen junchern 2 gulden.>

*1495 März 24*

Item am dinxstage na Oculi gegeben 4 seghirs uther herschop van Rauensberge 10 m., hadden juwelick gearbeydet 15 dage, den dach vor 2 s.

*1495 März 23*

<Item am mandage na Oculi ghesant mynem gnedigen junchern by *Clase* 4 gulden.>

Item dosulffs ghedan *Dydrik*, myns gnedigen junchern stalknechte, 2 s. unde 8 d. vor beslach.

*1495 März 25*

---

<sup>14</sup> Korrigiert.

<sup>15</sup> Davon 50 gestrichen?

<sup>16</sup> Wegen Korrektur unsichere Lesung. Es könnten auch 21½ m. 7 s. gemeint sein. Die Addition der Einzelbeträge spricht aber für die genannten Zahlen.

Item am dage Unser leven fruwen in der vasten ghesanth mynem gnedigen junchern in Gertrudes huss by Florken 2 gulden.

*1495 März 27*

Item am frigtage na Oculi<sup>17</sup> ghedan Siuerde vor 10 gulden gelt, heth my myn gnediger juncher in Gertrudes huss.

Item gegeven der Hentzinnen vor 2 tunnen bers 4 m., also de domproveste van Hildensem to Depmolde wass, heth my myn gnediger juncher.

*1495 März 29*

Item an dage Mitfasten ghesanth mynem gnedigen junchern by Claese 5 goltgulden.

*1495 April 1*

Item am mitwecken na Letare ghedan<sup>18</sup> Herman Schroder 20 gulden, heth my myn gnediger juncher.

*1495 April 4*

Item am sunnavende na Letare ghesanth mynem gnedigen junchern to Lemego by Frischen vor 20 gulden gelt.

Item ghedan Herman Schroder 8 s. unde 5 d., dat he scholde vor lennewant geven.

*1495 April 7*

<Item am dinxtage na Judica ghedan Claese 4 gulden, also myn gnediger juncher na Goselde rith.>

*1495 April 12*

Item an Palmen dage ghesanth mynem gnedigen junchern by Claese vor 2 gulden gelt.

*1495 April 13*

---

<sup>17</sup> „ghesanth mynem gnedigen junchern“ durchgestrichen.

<sup>18</sup> Verscrieben.

Item am mandage na Palmen gegeven Herman Strapen 2 m. vor<sup>19</sup> santwerck in den keller, heth my myn gnediger juncher.

*1495 April 14*

Item am dinxtage na Palmen ghesanth mynem gnedigen junchern by Claesse vor 13 gulden gelt.

*S. 6 (103) Summa 82 gulden 16½ m. 5 s. 1 d.*

Item ghedan Bernden Tast 2 gulden, dat he solde ryden.

*1495 April 16*

Item am Gronendonnerstage ghedan Godeken vor 2 scho 4 s.

Item dosulffs ghesanth mynem gnedigen junchern by Claess 3½ m..

*1495 April 18*

Item an Pasche avende ghesanth mynem gnedigen junchern by Claesse 1 gulden.

*1495 April 20*

Item am mandage na Paschen ghesanth mynem gnedigen junchern by Claese 3½ gulden 2 s.

Item noch gegeven Herman Strapen 3 m., dat he hadde de bycken den steynwerten ghescherepet dat jar over,<sup>20</sup> eyboth my myn gnediger juncher by Reneken Kocke.

Item mester Herman unde sinen knechten *gegeven* 20 gulden, so dat mynes junchern gnaden myt emme bereken upper syner gnaden dorntzen.

*S. 7 (104) Summa 26½ gulden 7 m.*<sup>21</sup>

---

<sup>19</sup> Unleserliche Verschreibung.

<sup>20</sup> 3 m. gestrichen.

<sup>21</sup> Darunter durchstrichen: „20 f. 7 m.“ Unter diesem durchgestrichenen Geldbetrag findet sich eine wegen Korrektur nicht eindeutig entzifferbare Angabe mit römischen Zahlen: „1500 g. 350 g. 29 [?] g. 4½ s. 2½ d.“ Es handelt sich wohl um den Gesamtbetrag der Ausgabe.

## Ausgaben vom Landschatz 1497/1498 und Nachtrag

*1497 November 17*

Item am frigtage na Martini ghedan Airade van deme Busche 66 gulden, eynboth my myn gnediger juncher by dem vagte, de dar ok by wass, also Alrath *vorgenomt* dat gelt entfengk.

*1497 November 20*

Item am mandage na Elizabeth gesanth mynem gnedigen junchern by Bernhardus Tast vyftig gulden, de de Winterbecker\*\* brachte juncher Tonigess van Schomborge.  
Item am sulven dage ghedan deme perdeherde 5 ½ m., eynboth my myn gnediger juncher by deme drosten Alberde vann Exterde.

*1497 November 21*

Item am dinxtage na Elisabeth ghedan deme vogte 4 m.

*1497 November 23*

Item am donnerstage Clementis ghedan deme Rosenmegger 23 s. vor kollen eynboth my myn gnediger juncher by Johann Bartscherer.

*1497 November 24*

Item am avende Katherina virginis ghesanth mynem gnedigen junchern by Bernhardus Taste 10 gulden, also sin gnade welde ryden tom Rodennberge na mynem junchern van Schomborge.

*1497 November 29*

Item am avende sunte Andreas ghesanth mynem gnedigen juncher 6 m. by deme vogte, de sine gnade wolden geven vor dre ditken.

*1497 November 30*

Item an sunte Andreas dage ghedan deme vogde Kerstien 30 goltgulden, de he mynem gnedigen juncher hadde ghelent, also myn gnedige fruwe na Colne vor.

*1497 Dezember 1*

Item am frigtage na sunte Andreas ghedan mester Bertolde 10 gulden unde hundert *gulden*<sup>22</sup>, also he na Colne reth na myner gnedigen fruwen van der Lippe, eynboth my myn gnediger juncher by deme voigte Kerstien.

*S. 38 (61) Summa 250 g. 19 g. 17 s.*

Item dosulffs ghedan deme Selper 20 s., dar he panthuffelen mede kopen solde, so my myn gnediger juncher sulven sede vor der Hornschen porten.

*1497 Dezember 7*

Item am nesten dage Nicolai episcopi gedan Dyderike van der Borch vor 30 gulden ghelt, eynboth my myn gnediger juncher by Bernhardus Taste.

*1497 Dezember 10*

Item am sundage na Nicolai ghedan Trumpeken van Horne in bywisende des vogts 5 gulden, 15 burkrossen vor dem gulden, unde 18 ½ s. 2d., dar he mede scholde gan to Hameln na den mollensteynen.

*1497 Dezember 11*

Item am mandage na Nicolai ghedan mester Herman Tymmermanne 10 m. 6 d., also de vogt unde ik rekende myt mester Herman, so unss myn gnediger juncher heth, unde ok myt sinen knechten.

*1497 Dezember 13*

Item am dage Lucie virginis gedan mynem gnedigen junchern im porthuse in bywesende juncher Simons 29 burkrossen, dar Hinrik van Hameln solde mede ghan na Gosler. *Fecit* 5 m. 3 s. 4 d.

Item am sulven dage Lucie virginis ghedan mynem gnedigen junchern dreihundert goltgulden in bywesende der van Exterde unde Bernt, mynes heren sonne, de de Winterbecker brachte juncher Frederik van der Hoygge.

Item noch dosulffs tor sulfften tyd ghedann Bernde *vorgenomt* 11 gulden, de myn gnediger juncher emme betalde.

---

<sup>22</sup> Es fehlt die Angabe der Münzeinheit. Aus der Seitenaddition ergibt sich, daß Gulden gemeint sind.



*1497 Dezember 18*

Item am mandage na sunte Lucien ghedan mynem gnedigen junchern upper trappen boven der kocken 12 gulden, dar Hermann Schroder mede reth to Lemego na wande.

*1497 Dezember 22*

Item am frigtage na Thome apostoli ghedan deme drosten Reyneken Hoberge 55 gulden, eynboth my myn gnediger juncher by mester Bertolde, de ok dat gelt hulp dellenn.

*S. 39 (62) Summa 400 g . 17 ½ g. 16 ½ s.*

*1497 Dezember 23*

Item am sunnavende na Thome apostoli ghedan Mychele unde Claesse unde oren ghesellen van murlone, datt se hadden ghearbeydet upper borch 20 m. 6 d., eynboth my myn gnediger juncher by deme vogte Kerstien.

Item de vogt unde her Johann hebben gherekent dat sommerlon myt deme ghesinde upper der lutteken dorntzen in biwesende mynes gnedigen junchern uth ghesecht Dyderik Kocke, dat syck de summe vorlop uppe 99 m. unde 3 ½ s., dat de vogt hefft van my, her Johann, *entfangen*.

*1497 Dezember 27*

Item am dage Johannis *entfeng* myn gnediger juncher 8 goltgulden, 8 Dauitergulden unde 32 postulatengulden upper<sup>23</sup> dorntzen by siner gnaden kameren, do sine gnaden ryden wolde na Hameln jegen den hertogen.

*1497 Dezember 31*

Item am avende Niggenjare ghedan Kristianus Cordes van deme Busche, schriver, viff unde vertich

gulden, eynboth my myn gnediger juncher by Bernhardus Taste.

*1498 Januar 3*

Item am mitweken na Circumscisionis domini ghehantreket mynem gnedigen junchern upper dorntzen im porthuse in bywesen Albert van Exterde,<sup>24</sup> des vogts, des kerchern van Horne Bernhardus Alphio hundert goltgulden unde achtentich an gelde.

---

<sup>23</sup> „dorns“ gestrichen.

<sup>24</sup> Verschrieben.

1498 Januar 4

Item am donnersdage na Circumscisionis domini ghedan Corde, mynes gnedigen junchern schiltknechte 3 ½ m., heth my myn gnediger juncher upper dorntzen im porthuse unde krech Peter Smed.

1498 Januar 11

Item am donnerstage na Trium regum ghedan dem vogte 20 m. 4 ½ s. 3 d., so myn gnediger juncher demme vogte eynboden hadde by Bernhardus Taste, dat he gaff vor 8 ellen Hagensches wandes Bertolde Sluter unde Corde upper kameran<sup>25</sup>, de elle<sup>26</sup> 2 m., unde 5 ½ ellen Sandebekes, de elle 4 ½ s., unde 7 ferndell Lemmesches witten, de elle 8 s. unde<sup>27</sup> 2 ellen foderwitten, de elle 7 s., Louwenberge to twen hosen.

S. 40 (63) Summa 250 g.<sup>28</sup> 42 g. 5 ½ s. 3 d.

Item ghedan Corde Protte van hetendes wegen des vogts, dat emme myn gnediger juncher tom niggenhuse bevolen hadde, 26 ½ s. vor 2 ½ ellen foders unde 3 ellen lenewandes, dat voder 17 ½ s., dat lenewant 9 s.

Einnahme	g.	m.	s.
Hans Brugman		2	
Drudeke Dethmars			3
Hencke van Argen	1		
Hilleke Messman <sup>29</sup>			3
Arnt Ridderbusch		2	
de Megger im Niggenwolde		½	
de olde Toppesche		½	

1498 April 5

Item am donnerstaige na Judica gesanth mynem gnedigen junchern 1 goltgulden by deme vogte unde krech Hinrik Molner to winkope.

---

<sup>25</sup> Randnachtrag. „Im Stalle“ durch Unterstreichung gelöscht.

<sup>26</sup> 8 s. gestrichen.

<sup>27</sup> Unlesbarer Text getilgt.

<sup>28</sup> Es folgt „50“ gestrichen.

<sup>29</sup> Dahinter ½ m. gestrichen.

Item am sulven dage gebracht mynem gnedigen junchern under int porthuss 5 ½ m. in  
biwesende des vogts unde Bernhardus Taste.